

立生寶百問
上



產寶百問

引

女科為醫之難事古人云寧醫十男子莫醫一婦人何也蓋婦人嗜欲多於男子感病倍於丈夫况當富豪之家居奧室之中幃帳之內以帛蒙手既不能行望聞之神又弗能彈切脈之巧不免多方質問病家見其煩悶遂目業之不精予之學習此術非不知其難也因慈親久病刻志於醫遂至楚蜀尋師不遇復適越境拜從真人講明陰陽順逆氣運變化臟腑標本脈候虛寔還而試之累有神效但方書浩繁詞理

仁

淵微慮後人不能遍知大理故採真人所授捷要心
法兼附己意斟酌病源以類分門以門問答議法以
法立方列湯飲丸散膏丹之類自始至終次第成編
名曰產寶百問傳後為式庶易檢閱至於一病或兼
幾症一方通治幾病千變萬化豈能盡合於方法耶
要在臨機應變隨時取中庶無負於術矣凡幼學
之時先讀儒書以希上達萬一無成即習斯業以養
生者更熟讀脈訣素問藥性約方等書求師訪友精
研義理然後施治不啻良將決勝千里者矣又當持
己以忠待人以恕勿為利動勿擇親疏貧富一遇抱

愚

病求醫者例以仁術推之斯為良醫予深望後人善其術云

王邑古遇薛將仕書於濟生堂

鄭氏傳薛醫產源流

予先世河南開封人策名于仕籍者十一世胡為而以產科名世也自宋高南渡始祖隨行卜居於越一日進玉峯偶於古愚藥室中坐以節勞而古愚視余祖容貌魁梧動靜不羣詢尚未娶遂招為婿古愚族為邑中巨擘居平橋南垞下專門醫產名震東吳始祖不覺欣羨棄儒就醫得傳此業奕世相承將五百年矣今予雖倖登仕科而不就職殫心于醫以濟世於是推本始祖受薛翁古愚傳心法復加增損詳列証治分門析類彙以成帙遺後人以養生此業頗為

清高士君子罔不愛敬如學之已成者固不暇究心
于斯而學之未成者習為恒業更窮究古聖全書就
高明者而求正焉以造于精微之域庶不孤予老而
古愚傳授之初心益廣矣不亦孝乎若有不肖者既
不習儒又不習醫以此書輕洩於人祇為始祖之罪
人也儆之勉之

賜進士介菴鄭文康識

代序

余自髫年舉業儒每懷利濟之志然家貧力不能及
人因思人術中青烏黑囊一藝乃吾家世業但其理
隱微尋龍捉脈非十年學問五年目力不敢因人而
嘗試也惟歧黃一道能救人於俄頃然神聖功巧胥
脈即悉其病源者幾人哉間或有之而用藥不應即
應矣未免偶中耳求其決生死定遲速間取囊中一
二味投之各當可以挽回性命轉旋造化者百無一
焉况女科胎產一案尤生死關頭耳故螢窗雪案之
餘潛心嚮往凡有見問即援筆手錄並請教於醫家

之三折肱耳是以略窺其堂奧昔友人有鄭氏萬金
古方一冊余不憚跋涉之勞以秘本互換抄就秘藏
如獲希世寶珍類年來復得此編與前萬金方對同
覺是編更為詳盡於是刪其重複補其缺略而女氏
一科乃成全集詢室家却病延年之津梁也吾願得
是編者更加以切脈功夫不致因循有誤且閨中起
居動靜玩此可以調攝得宜庶不負作者一片婆心
其為利濟仁術不既盡善盡美廣且大哉鈔竟因并
數語於卷首云

時

康熙二十七年著雍執徐之歲桂丹下浣吳門望齊
陳猶興撰於平陽玉樹堂桂香樓下

道光辛丑年歲次小陽月下旬時客震澤李氏過雲
樓中海寧許連批正

產寶百問上卷目錄

四總脈

四時平脈

違時凶脈不治

病脈

又病脈順逆

六部脈所出

附辨胎兒男女

婦人有娠歌

妊娠漏脈歌

妊娠心腹急痛歌

妊娠倒仆損傷歌

妊娠傷寒歌

產難生死歌

胎產水腫危殆歌

產後傷寒歌

五臟察色候歌

脾胃論

求子論

胎前保護

產後調理

隨症問答

經後問答

經漏崩中間答

帶下問答

諸積問答

胎前問答

產後問答

十月胎形

產實百問上卷目錄終

產寶百問卷上

李師聖曰病之於人固多而人未必危若產育者婦人所必不免而產之可驚可懼者系於俄頃之間此古人治產所以獨設一科見慎重而不可忽也

一有夫婦而有父子 婚姻之後必求子嗣男雖十

六而精通必三十而娶女雖十四而天癸至必二

十而嫁然後陰陽充實交而孕孕而育子堅壯強

壽大抵交合之日宜避晦朔弦望大風大雨雷電

霹靂日月交蝕及日月星辰之下神祠佛寺之中

井灶園廁之所塚墓屍柩之傍犯此受胎必瘖啞

聾瞶頑愚顛狂攣跛盲眇多病短壽不孝不仁非
誣言也

一治婦人諸症當以調經順氣為主

一女子求子當於經事淨絕後五日內求之

一女子經事謂之月水又曰潮水曰月者一月一至

也曰水者賤之也曰潮者取其信也一月兩至者

血熱兩月一至者血冷故血多熱則行冷則凝熱

用寒藥冷用溫藥

一女子經至切須索氣否則多成癥瘕之疾男子

之精二八而通八八而竭女子天癸二七而至七

七而絕若男過六十四女過四十九雖能生育必
多夭死

李字疑有誤

一婦人患勞傷經閉骨蒸疾嗽之類診其脈七至八
至者當視其肌肉如何若消瘦之甚藥之無益也

一女人年四十以上經事一月兩至者多成淋病

一女人內傷外感與男子用藥頗同惟胎前為異四
物湯及調氣香附俱不可缺

一室女經閉成勞不可用桃仁紅花等通血藥當用
四物湯加減生血藥血少仍用行血藥則虛其
虛矣

若

一女人懷孕男胎過三月女胎過四月則耳目口鼻皆具絕不可與通行不惟母子俱損且損已陰德一孕婦十月滿足謂之大產月分不足謂之半產若頭胎三個半月產三四胎亦然必預服安胎飲為主

一催生丹用臘月兔腦去皮膜研如泥用通明乳香母丁香各一錢麝一匙俱研細和兔腦丸芡實大陰乾溫湯下三丸

一女人難產或不順利用萆麻子十四粒硃砂雄黃各五分蛇蛻一尺燒灰麝一匙為末漿水和丸先